

NAMA I TUPANA KŪTAWA

NAWA

INGUXŪ





©2001 por Rosa Stair Goodman. Cubierta de Edwin B. Wallace. Meryl Esenwein, arte arriba y en paginas 10, 12, 14, 16, 27, 29, 39, 42, 44, 46, 47 y 48.

Tupana nanaxü ga dauxüguxü i naane rü 1
nhama i naane rü guxüma i nawa maxëxü.

“Rü noxriarü ügügu rü Tupana nanaxü ga nhama i naane.”

Ügü (Gênesis) 1:1

“Rü Nanexü nixi ga namuxü ga Tupana na naxüãxüçax ga gux-
üma i tacü i nhuxma ngexmaxü i dauxüguxü i naanewa rü
nhama i naanewa.”

Coróchacüãx 1:16

“Rü Tupana i dauxüguxü i naane rü nhama i naanearü üruxü
rü tá pexü narüngüxëë. Rü ngema dauxüguxü i naane rü Tupa-
naarü nixi, rü ngema nhama i naane rü duixügüna nanaxã.”

Wijaegü (Salmos) 115:15,16

Nhama ga naane rü name ga jexguma Tupana jatüna
naxãxgu. ;Nüxü nadaumatü i nhaa popera na nüxü cucuãx-
üçax na tacü üpetüxü!



“Rü jexguma ga Tupana rü nügümaxã nhanagürü: —Ngixã ta-
naxü i duuxü na taxrüü naãexü nacuáxücax rü norü jora jixixü-
cax i guxüma —nhanagürü.”

Ügü (Gênesis) 1:26

**Tupana nanaxü ga jatü rü
maxũ nüxna naxã.**

3

“Rü jexguma Tupana naxüxgu ga jatü, rü waixĩmütewa nanaxü. Rü maxũmaxã naráũgu nacue.”

Ügü (Gênesis) 2:7

“Tupana rü nhanagürü: —Rü tama name na nüxica nangexmaxũ ja jatü. Rü ngemacax tá chanaxü i wüxi i namücü na norü ngüxẽẽruũ jixĩxũcax.”

Ügü (Gênesis) 2:18

“Rü Cori ja Tupana rü ngixũ naxü ga wüxi ga nge. Rü nhuxũchi guma yatüxütawa ngixũ naga.”

Ügü (Gênesis) 2:22

Adáũ rü Éba rü tama Tupanaga naxĩnũe.



Tama name na Chatanága ixĩnũexũ.

“Rü Tupana jema naane ga Edéügu namuxgu ga gumá 5
jatü, rü nüxna naxãga na mea nüxna nadauxũcax ga guxũ-
ma Rü nanaxucuxẽ: —Marü name i cunangõx i guxũma i nhaa
naanewa ngexmaxũ notürü ngema nanetü i cuax i mexũ, rü
cuax i chixexũ nawa ngexmaxũ, rü taxũtãma cunangõx. Erü
ngexguma tá cunangõxgu rü aixcũmaxũchi tá cuju —nhana-
gürü.” Ügü (Gênesis) 2:15-17

**Ngema Äxtape i Ngoxo ixixũ rüexna Chataná ixixũ rü
Tupanaxũ nidoraaxũ rü jemaacũ nanawomüxẽ.**

“Rü ga äxtape rü nhanagürü ngixũ: —Tama aixcuma nixĩ i
ngema. Rü taxũtãma peijue —nhanagürü. Rü ngima ga nge rü
ijacawe ga wüxipü ga norü o rü inangõx rü ngitemaa ingau rü
nüma rü ta nanangõx.” Ügü (Gênesis) 3:4, 6

6 Adáũ rü Éba rü marü taxucürüwa jema nachicawa najexmagüecha.



“Rü jexguma ínataxüchiãguwena rü Edéũmaũgu nanamugü ga dauxücüãx ga duũxügü ga ixãxpexátüxü, rü jexma nanaxú ta ga wüxi ga tara ga ijauracüüxü ga guxücüwagu jawexemaãchixü.”
Ügü (Gênesis) 3:24

**Jema ngunexũ ga Adáũ rü Éba nagu chixexũ üexũ 7
rü wüxi ga ngechaũ nixĩ naxcax i guxũma i duũxũgü.**



“Rü wüxitama ga jatügagu nixĩ ga guxũma ga duũxũgüwa nanguxũ ga pecádu. Rü jemagagu nixĩ ga inaxügüxũ na najuexũ ga duũxũgü.” Rómacüãx 5:12

Nangexma i tacü i nüxna icuaxãchixũ:

**Guxũma i duũxũgü rü pecádumaa nabue, rü wüxi i ngunexũgu rü tá tajue, erü pecádugagu nixĩ i nangexmaxũ i ju.
(¡Wena nüxũ nadaumatü i Rómacüãx 5:12!)**

8 Tupanaarü inü nixi ga Nane ja Cristu núma namuãxü na tórü pecáduwa tüxü inanguxüxëexücax.



Rü jema duüxügütanüwa na nanguxücax ja Tupana Nane, rü wüxi ga õxchanaãcü inangu.

“Rü ngima tá ngixü nangexma i wüxi i ngine rü cuma rü tá Ngechuchugu cunaxüéga erü nüma tá norü pecádu-güwa ínananguxüxëë i norü duüxügü.”

Matéu 1:21

“Rü guxüma i Tupanaarü pora rü Cristuwa nangexma.”

Coróchacüãx 2:9

Ngechuchu rü Tupana nixĩ rü duũxũxũ nügü nixĩxêê.

“Naxũpa ga guxũma, rü marü najexma ga Tupana Nane. Rü Tupanamaxã najexma rü woetama Tupana nixĩ ga nümax. Rü nüma rü narüduũ rü totanüwa najexma, rü toma rü nüxũ tadaugü.”

Juáũ 1:1, 14

“Rü guxũma ga jema orearü ngeruũ nüxũ ixuxũ rü nangupetü —Rü tá ixãxãcü i ngeema nge i taguma jatüxũ cuaxcü. Rü tá najatü rü Emanué tá nixĩ i naéga.”

Matéu 1:22, 23

“Rü taxcax nabu i wüxi i õxchana. Rü nhaagü tá nixĩ i naégagü i namaxã naxugüãxũ: Rü Mecümaxüchicü, rü Ucyxëruũ ja nüxũ cuaxüchicü, rü Tupana ja poraxüchicü, rü Tanatü ja taguma jucü, rü Tupana Nane ja ngüxmüxêêruxũ ixĩcü.”

Ichaía 9:6

10 Ngechuchu ja Cristu rü tórü ãmare ja mecü nixĩ i Tupanapewa.

“Cristu rü taguma pecádu naxü.”

2 Corítiucüãx 5:21

“Nüma ga Cristu rü taguma pecádu naxü.”

1 Pedru 2:22

Nataxuma i to i ãmare i mexũ i nüxũ ijarüngauxũ i nhuxãcü nanaxóxeẽ i tórü chixexũ.

“Jerü guma wocagü rü chibugü rü tama naporá na ijanaxóxeẽãxücax ga pecádugü.”

Ebréugü 10:4

Ngechuchu nixĩ i Tupanaarü ãmare. “Daa nixĩ ja jimá Tupana núma namucü na najuxücax na duũxügüarü pecáduxũ ijanaxóxeẽxücax.”

Juãũ 1:29



**Ngechuchu rü inanaxã ga norü maxũ
na tũxũ namaxẽxẽxũcax.**

11

Ngechuchu rü curúchawa najapotagü ga duũxũgü jerü nax-
chi naxaie. Notürü Tupanaarü ñnü nixĩ ga na Ngechuchu rü
norü ngúchaũmaax inaxããxũ ga norü maxũ, rü jemaacü cuxũ
rü choxũ ínanguxuchixẽẽ nawa ga chixexũgü.

Ngechuchu rü nhanagürü: “Taxúema choxũ tajuxẽẽ, notürü
chorü ngúchaũmaatama ichanaxã i chorü maxũ.” Juáũ 10:18

Ngechuchu ja Cristugü nanaxütanü ga tórü pecádugü.

“Jerü tama uiru rüexna diëru i ngauxwaexũmaa nanax-
ütanü, notürü Cristugümaa nixĩ ga naxütanüãxũ.”

1 Pedru 1:19

**Tataxuma ja toguxe ja taxcax júxe rü tũxna
najaxúxe i tórü pecádu.**


12 “Rü nhuxma rü Tupanapewa time jerü taxcax naju ga Cristu.”
Rómacüãx 5:9

“¡Choxna nacuaãchi i ngexguma ãëxgacüxü ícunguxgux!” Lúca 23:42

Nhaa ngítaxáxü rü namaxü jerü Ngechuchuãxü najaxõ.



“Nhamata-
ma i ngu-
nexügu cha-
maxã cu-
ngexma i
mexëchixü i
naanewa.”
Lúca 23:43



Nhaa ngí-
taxáxü rü
inarütaxu
jerü tama
Ngechu-
chuãxü
najaxõ.

“Jexguma ipecáduãxgügu nixĩ ga taxcax najuxü ga Cristu.”
Rómacüãx 5:8

Guxãma ja jíxema Tupana Naneãxũ jaxóxe 13
rũ tüxũ nangexma i maxũ.

“Rũ Tupana rü poraãcü nüxũ nangechaũ i nhama i naanecüãx i duũxũgü. Rũ jemacax inanamu ga Nane ga nügümaa wüxicacü, na guxãma ja texé ja nüxũ jaxõgüxe rü tama itarütauxexũcax rü tüxũ nangexmaxũcax i maxũ i taguma gúxũ.”

Juãũ 3:16

“Jerü nüma ga Tupana rü marü Chatanáme_xewa tüxũ ínanguxũxêê rü Nane ja nüxũ nangechaũcümexêwa tüxũ nangexmagüxêê. Rũ guma Nanegagu nixĩ ga tüxũ namaxêxêxũ rü tüxũ nüxũ nangümaxũ ga tórü pecádugü.”

Coróchacüãx 1:13, 14



“Rü jema orearü ngeruü
 rü nhanagürü: —; Tāú i
 pemuüexü! Choma nüxü
 chacuax rü naxcax
 pedaugü ja Ngechuchu
 ga guma curúchawa
 japotagüäcü. Nataxuma i
 nua, erü wena namaxü,
 jema nüma üpa pema
 nüxü jaxuxürüxü.”

Matéu 28:5, 6

“Rü chama nixĩ i chamaxũxũ. Rü üpa rü chaju, notürü i nhuxma rü marü guxũgutáma chamaxecha. Rü chaxmexwa nangexma na nhuxgu tá najuxũ i wüxichigü i duũxũ.” Apocaríchiu 1:18

Marü taxucaxma i juxũ tamuũẽ erü Cristu rü juxũ narüjexera rü ñaxmexwa nangexma i ngema.

“Rü ngema i ngunexũ i nagu chamuũxũgu rü chama rü cuxna chacuaxãchi.” Wijaegü (Salmos) 56:3

Ngechuchu rü cuxũ namaxẽẽ rü Nanatüna naca na cuxũ nangũxẽẽxũcax.

“Marü taxucaxma texé ja togue tingucuchi, erü nüma ja Ngechuchu rü tagutáma naju. Rü aixcuma tüxũ namaxẽẽxũ ja guxãma ja jíxema norü ngũxẽẽmaxã Tupanaxütawa ngugüxe.” Ebréugü 7:24, 25

16 **Cuma rü chama rü tũxũ natauxcha na tũxũ
nangexmaxũ i maxũ i taguma gũxũ.**



**¿Ngexũrũxũ i nama
jixĩxũ i nagu quixũxũ?**

**Ngechuchu ja Cristu
nixĩ i nama na Tupanax-
ũtawa cunguxũcax rü
cuxũ nangexmaxũcax i
maxũ i taguma gũxũ.**

**Ngoxo i Chataná nixĩ i
nama i juwa nadaxũ.**

Daa bucũ rü nama i maxũ i taguma gũxũwa nadauxũgu nixũ.

“¿Rü nhuxmatama nagu perüxĩnüe na tacürü tupanawe perüxĩxũ!”
Juchué (Josué) 24:15

“¿Ëcü penajaxu i maxũ na pemaxẽxũcax, rü namaxẽxũcax i petaagü!”
Deuterunómiu 30:19

Ngechuchu nixĩ i nama i maxũ i taguma gúxũwa nadaxũ.


“Ngechuchuxicatama nixĩ ja tórü maxẽxẽẽruũ, rü jixicatama nixĩ ga Tupana tũxna namucü na tũxũ namaxẽxẽẽxũcax.”
Puracügü 4:12

“Chaxicatama nixĩ i Cori ja Tupana chixĩxũ, rü chaweama rü nataxuma i to i maxũ pexna ãxũ.”
Ichaía 43:11

1. Jerü nüma nixĩ ga núma naxũxü.

“Núma chaxü na chanamaxẽxẽxũcax i duũxũgü.”

Juáü 10:10



2. Jerü nüma ga Ngechuchu nixĩ ga tüxü nangechaxũxü rü taxcax najuxü.

“Rü Tupana Nane nixĩ ga choxü ngechaũcũ, rü nügü inaxãxü na chauxcax najuxũcax.”

Gárataanecüãx 2:20

Ngechuchu rü nügü narüduũ rü taxrüũ naxãmachi rü naxãchiña. “Rü jema norü jumaxã nüxü narüporamae ga Chataná ga

noxri nüxǘ jexmaxǘ ga pora na tüxǘ ijanatauxexêẽx- 19
ũcax, rü Chatanáme^xewa tüxǘ ínanguxǘxêẽxũcax ja
guxãma ja jíxema noxri naxcax muüexe ga na tajuexǘ.”

Ebréugü 2:14,15

3. Ngechuchugüxicatama nixĩ inaxüxüxǘ i tórü chixexǘgü.

“Rü jimá nagüxicatama nixĩ ja maxüwa tüxǘ nguxêẽcü.”

Lebítanüxǘgüchiga (Levitico) 17:11

“Rü Tupana Nane ja Ngechuchu rü nagümaa tüxǘ inaja-
natauxêẽ i guxüma i tórü chixexǘ.” 1 Juáü 1:7

“Rü tüxǘ namaxêẽẽ rü tüxǘ nüxǘ inarüngüma i tórü pe-
cádugü.” Coróchacüãx 1:14



4. Ngechuchu ja Cristu nixĩ ga juwa írüdacü.

“Rü nhuxma na juwa ínadxũ ja Cristu, rü tagutáma wena naju, jerü nüma rü marü juxũ narüjexera.” Rómacüãx 6:9

“Rü guxũma ga duũxũgücax naju ga Cristu, na ngema duũxũgü i nhuxma maxẽxũ, rü tama nümatama nagu namaxẽxũcax, notürü naxĩnüexũgu naxcax namaxẽxũcax ja jimá naxcax jucü rü wena írüdacü.”

2 Corítiucüãx 5:15

Ngechuchu rü nhanagürü: “ —Rü tá pemaxẽ, erü choma rü chamaxũ.”

Juãũ 14:19

**5. *Rü tanaxwae na Ngechuchuxũ ijaxuxũ na tüxũ* 21
*nangexmaxũcax i maxũ i taguma gúxũ.***

“Rü Cristu rü pewa nangexma i nhuxmax, rü nagagux-
icatama nixĩ i pexũ nangexmaxũ i pechica i dauxũguxũ i
naanewa.” Coróchacüãx 1:27

“Rü ngexguma pewa namaũxgu i Naãxẽ ja jimá Tupana
ga Ngechuchu ja Cristuxũ írüdaxẽęcü, rü nümatátama wena
nanamaxẽẽ i pexene i juxwaexũ, rü Naãxẽ i Üünexũ i pewa
maxũxũ tá nixĩ inaxũxũ i ngema.” Rómacüãx 8:11

**Ngexguma Ngechuchuxũ ijauxgügu rü Naãxẽ
i Üünexũ tawa nangexma.**

“Rü jíxema tama tüxũ nangexmaxe i Tupanaãxẽ i Üünexũ i
Cristu tüxna ãxũ, rü tama Cristuarü tixĩ.” Rómacüãx 8:9

Choxũ nangechaũ ja Ngechuchu, norũ Popera chamaa nüxũ nixu.



“Rũ nüma rü tüxũ
naganagütanũ ga
guxema buãxta, rü
tümaerugügu naxũ-
mexãcũma nhanagũ-
rü tüxũ: — ¡Tupana
pexũ rüngũxẽẽx!
—nhanagürũ.”

Márcu 10:16

Ngechuchu rü nhanagürü: “Chanaxwae i chauxütawa naxĩ 23
i buxügü. ;Rü tãú i nüxna penachuxuxü! Erü Tupana aëx-
gacü íxixüwa rü tümacax nixĩ ja jíxema nhaa buxügürüü ixĩ-
güxe.” Lúca 18:16

“Penatü ja dauxügucü rü tama nanaxwae na wüxi i nhaa buxü
na ijarütaxuxü.” Matéu 18:14

**Nüétama ega texé quixixgu, rüexna ngextácüãx quixixgux.
Ngechuchu rü cuxü nangechaü rü cuxcax naju. Rü nanaxwae
na nüxü cungechaüxü. Ngexguma naga cuxinügu ja Ngechu-
chu rü nüxü cunawex nax nüxü cungechaüxü.**

“Rü ngexguma aixcüma choxü pengechaügu, rü naga tá pexĩ-
nüe i chorü mugü.” Juáü 14:15

¿Nhuxãcü i Tupanana cungaicamaxũ?

1. ¿Ngechuchugagu Tupanana nangaicama!

“Tupana rü wüxitama nixĩ. Rü ngexgumarüũ ta wüxitama nixĩ i taétüwa chogüxũ. Rü nüma nixĩ ja Ngechuchu.”

1 Timúteu 2:5

“Nüxũ natauxchaxũ nax aixcüma tüxũ namaxẽxẽxũ ja guxãma ja jíxema norü ngüxẽẽmaxã Tupanaxũtawa ngugüxe.”

Ebréugü 7:25

Ngechuchu rü nhanagürü: “Rü texé ja choxũ jaxõgüxe rü taütáma tüxũ chaxoqx.”

Juáũ 6:37

2. ¿Nüxũ ixu na cupecáduáxũ!

“Rü guxãma tipecáduãxgü rü nüxna tajáxügügü ja Tupana ja tüxũ maxẽxẽęcü.”


Rómacüãx 3:23

3. ¡Nüxũ rüxo i chixexũ!

“Rü nüxũ perüxoe i pecüma i chixexũ
na pexũ ínapiãxũcax i perü pecádu-
gü.” Puracügü 3:19

“Nüma ja Cori rü tamaa jaxna nax-
ĩnü. Erü tama nanaxwae na texé ija-
rütaxuxũ, notürü nanaxwae i gux-
ãma nüxũ rüxoexũ i tümacüma i
chixexũ.” 2 Pedru 3:9

4. ¡Ngechuchumaxã nüxũ ixu
i curü chixexũgü!



“Ngexguma chi
Tupanamaa nüxũ
ixuxgu i tórü pe-
cádugü, rü nüma
tuxũ nüxũ inarü-
ngüma i tórü
chixexũgü.”

1 Juãũ 1:9



“Ngema Tupana pema mecü-maxügagu nixī i pexū nangexma i maxū i taguma gúxū jerü pejaxō. Tupana nixī ga pexna naxāmarecū ga jema. Rü tama tacü i mexū pexüxcax nixī na ngemaäcü tax-úema tügü icuaxüxcax.”

Epéchiucüax 2:8, 9

6. ¡Ngechuchuāxū jaxō! 27

“Ngexguma cuaxmaax nüxū quixuxgux na curü Cori jixixū ja Ngechuchu, rü ngexguma cuāēwa cujaxōxgu na juwa Tupana inadxēxū, rü tá cuxū nangexma i maxū i taguma gúxū.” Rómacüax 10:9

“¡Nüxū jaxō ja Cori ja Ngechuchu, rü tá cuxū nangexma i maxū i taguma gúxū i cumax, rü guxū i cupatacüax!”

Puracügü 16:31

28 7. ¡Guxũ i curũ maxũmaxã najaxu ja Ngechuchu
ja Cristu!



Cuwa nangexma na Ngechuchuna cux-
uxũ na curũ maxũwa nangexmaxũcax.
Ngechuchu rü nhanagürü: “Rü dücax,
chama rü iãxwa changexmaecha. Rü
ngéma: Tu tu tu nhacharügüecha. Rü
ngexguma texé choxũ ñnügu rü chaux-
cax tajawãxnagu, rü tá tümaxũtagu
chaxücu. Rü tümamaa tá chachibü rü
tüma i chamaax.” Apocaríchiu 3:20

“Notürü guxema najauxgüxe, rü nüxũ
jaxõgüxe, rü tüxũ nanatauxchaxẽẽ na
Tupanaxacügü tixĩgüxũcax.”

Juãũ 1:12

Ega chi ũpaacü taguma cujumüxēgu, rü cunaxwaegu i ngüx-
ēē, rü nhaa nixī i wüxi i jumüxē i curü cuaxruū ixīxū:



Pa Chorü Cori ja Ngechuchux,

Moxēxūchi na curúchagu cujuxū nax-
cax ga chorü pecádugü. Rü nüxū cha-
rüxo, rü poraäcü changechaū ga na je-
ma chixexū chaxüxū. Rü cuxna naxcax
chaca na guxūguma chorü maxūwa cu-
ngexmaxū. Rü chajaxō na cunamexēēxū
i chorü maxū. Rü cuxū chajaxu na cho-
rü Maxēēruxū rü chorü Cori na quixīx-
ūcax. Cuégagu, Améü.

30 Ngexguma chi Ngechuchu curü maxüwa ngexmagu rü cuxü nangexma i maxü i taguma gúxü.

Tupana rü nhanagürü: “Chamatama marü pexna chanaxã i maxü i taguma gúxü. Rü nhaa maxü rü Chaunegagu pexü nangexma.”

1 Juáü 5:11

“Jíxema choxü irüxĩnüxe i chorü ore, rü nüxü jaxóxe ja jimá Chaunatü ja núma choxü mucü, rü tüxü nangexma i maxü i taguma gúxü. Rü Chaunatü rü taxütáma tümamaa nanaxuegu i poxcu.”

Juáü 5:24

“Cristu rü pewa nangexma i nhuxmax rü nagaguxicatama nixĩ i pexü nangexmaxü i pechica i dauxüguxü i naanewa.”

Coróchacüãx 1:27

Ngexguma nüxü cucuaxgu na Ngechuchu rü marü cuxü nüxü nax inangümaxü i curü chixexügü, rü nüma rü curü Cori rü curü Maxëëruxü na jixixü, rü ěcü ;nuxa naxümatü i cuéga rü nhama i ngunexü ngexma naxú!



**;Rü wüxichigü i ngunexü rü na-
wa nangux i Tupanaarü Ore, rü cu-
rü maxügu namaxã nanguxü! ;Rü
cuãëgu naxú i ngema, rü ngema tá
poraãcü cuxü narüngüxëë!**

**“Rü guxüma i Tupanaarü Ore i üma-
tüxü rü nügüãëwatama nanajaxu ga Tu-
pana. Rü ngema Ore rü name na duüx-
ügüxü namaa ingúexëëxü, rü namaa jax-
ucuxëgüxü, rü namaa ijanawexãchixëë-
güxü, rü namaa nangúexëëxü na mea
Tupanapewa namaxëxücax.”**

2 Timúteu 3:16

32 ;Ngechuchumaxã idexa ngexürüüxũ i oragumare!



;**Ngechuchuna moxẽ naxã naxcax i gux-
ũma i mexũ! ;Nüxũ icuaxüxũ naxcax i gux-
ũma i mexũ i cuxcax naxüxũ, rü naxcax i
ngema maxũ i cuxna naxãxũ! ;Naxcax ina-
ca i tacü i cuxũ taxuxũ! ;Ngechuchuégagu
najumüxẽ!**

“Rü ngexguma tacücax nüxna icaxgu, rü nü-
ma tüxũ naxĩnü i ngexguma norü ngúchaũ jixix-
gu i ngema naxcax nüxna icaxũ.” 1 Juãũ 5:14

“Name nixĩ i pegücax pejumüxëgü.”

Tiágu 5:16

“;Naxcax pejumüxë i ngema duüxügü i pexchi
aiexũ!”

Matéu 5:44

Jumüxē ga Ngechuchu norü ngúexügüxü nanguxēxü.

“Pa Tonatü ja Dauxügücüx, rü aixcüma üünecü quixĩ i cumax. ;Rü núma naxü na torü aēxgacü quixixücax! Rü tanaxwae i curü ngúchaü na naxügüxü i duüxügü i nhama i naanewa ngexgumarüü i dauxügüxü i naanewa na curü ngúchaü inaxügüxürüü. ;Rü toxna naxã i torü õna i nhama i ngunexücax ixixü! ;Rü toxü nüxü rüngüma i torü chixexü i taxüxü ngexgumarüxü i toma rü tüxü nüxü tarüngümaxürüxü ja jixema chixexü tomaa ügüxe! ;Tãü i tacürü chixexüpewa toxü cuwogüxü na tama nagu tajixücax! Notürü tanaxwae i toxna cudau na tama ngema chixexü taxügüxücax. Erü cuma nixĩ i namaa icucuáxü i guxüma, rü cuporaxüchixü, rü maxüarü jora quixixü. Rü aixcüma ngemaãcü nixĩ. Améü.” Matéu 6:9-13

Nhaa jumüxē rü ngema jaxögü rü wüxigu tagaãcü nanaxügü.
;Cuãēgu naxú!

Ngema 10 i Tupanaarü mugü rü tuxü nanguxêê na nhuxãcü imaxêxü.

Ïxchiga (Êxodo) 20

*Rü ngema nüxíraxüxü i 4 i mugü rü tuxü nanguxêê na
nhuxãcü Tupanaxü ingechaüxü.*

1. “Tama chanaxwae i chapewa tacü i tomaax cutupanaãx.”
2. “¡Taütáma i tacü cugücax cuxüxchicüna na ngemamaxã
cutupanaáxücax rü taxütáma tacürü naxchicünapegu cucax-
ápü rü nüxü quicuaxüxü!”
3. “¡Taütáma chauégamaxã cugü ícupoxü ega tacürü dora
cuxüxgu!”
4. “Ngema norü 7 i ngunexügu rü tá icurüngü, rü nagu tá
choxü quicuaxüxü.”

**Ngema nawa jacuáxũ i 6 i mugü rü tüxũ
nanguxêẽ na nhuxâcü jigü ingechaũxũ.**

5. “¡Tüxũ nangechaũ ja cunatü rü cué!”
6. “¡Taütáma cumáetae!”
7. “¡Taütáma cuxmaechita nai i ngemaxã cumaxũ!”
8. “¡Taütáma cungíxtax!”
9. “¡Taütáma doraxũ quixu i cumücüchiga!”
10. “¡Taütáma cugüxũ cunangúchaũxêẽ ja cumücüpata,
rü bai i tacü i noxrü ixĩxũ!”

Ngexguma Tupanaga ixĩnügu rü tórü jumüxêxũ nangãxũga.

“Rü nüma tá tüxna nanaxã i guxũma i tacü i naxcax íçaxũ erü
naga taxĩnüe i ngema tüxũ namuxũ rü tanaxü i ngema nüma
namaxã nataãêxũ.”

1 Juáũ 3:22

36 Ngema taxre i mugü i guxüarü jexera ixixü:

1. ;Tupanaxü nangechaü!


Rü nhanagürü ga Ngechuchu: “;Rü nüxü nangechaü ja Cori ja curü Tupana guxüne ja curü maxünemaax, rü guxü i cuãemaax, rü guxü i nagu curüxĩnuxümaax!”

Matéu 22:37, 38

2. ;Duüxügüxü nangechaü!

“Rü ngema norü taxre i Tupanaarü mu rü nhanagürü: ‘;Nüxü nangechaü i cumücü ngema na cugü cungechaüxü-rüxü!’ ”

Matéu 22:39



(1 Corítiucüãx 13:4, 5, 8, 13)

⁴“Rü jíxema aixcüma ngechaũ tüxũ ngexmáxē rü jaxna taxĩnü rü tamecüma. Rü tama tixãũxãchiwae, rü tama tügü ticuaxũ, rü tama tügüguxica tarüxĩnü. ⁵Rü tama taguxchinügawae, rü tama tümaarü mexücax tadau, rü tama tanuxwae, rü tama nagu tarüxĩnüecha ega texé chixexũ tümamaa üxgu. ⁶Rü tama namaa tataãxē i chixexũgü, natürü namaa tataãxē i ngema ore i aixcüma ixĩxũ. ⁷Rü jíxema aixcüma tümamücüxũ ngechaũxe, rü jaxna namaa taxĩnü rü guxũguma nüxũ tajaxõ, rü guxũguma mexũgu namaa tarüxĩnü, rü taguma naxchi taxai woo tacü tümamaa naxüxgu i tümamücü.”

38 ⁸“Rü ngema ngechaũ rü tagutáma inajacuax.”

¹³“Rü nhuxma rü nangexma i tamaepux i nacümagü i guxũgucax ixĩũ. Rü ngema nixĩ:

(1) Rü Tupanaãxũ tajaxõgü.

(2) Rü nüxũ ítananguxẽẽ na natáeguxũ ja Cristu.

(3) Rü nüxũ tacuax na tamücüxũ ingechaũxũ.

Notürü ngema tamaepüxtanüwa rü ngema naétüwa üxũ nixĩ i ngema ngechaũ.”

Tupana rü ngechaũwaecü nixĩ.

“Rü jixema aixcüma ngechaũ tüxũ ngexmáxẽ, rü Tupanaarü duũxũ tixĩ, erü Tupana rü tümawa namaxũ.” 1 Juáũ 4:16

**Ngechuchu rü nanaxwae na togümaxã
nüxü quixuchigaxü.**

39

(cuchiüwa, rü escolawa, rü tu-
paucawa, rü guxüwama)



**Ngechuchu rü nhanagürü
nüxü: “;Cuchiüwa naxü rü cu-
tanüxümaxã nüxü jarüxu i gux-
üma i ngema cuxcax naxüxü
ja Cori ja Tupana, rü nhuxãcü
nüxü na cungechaütümüxü!”**

Márcu 5:19

Nhuxãcü nüxũ tacuax i wüxi i duũxũ i aixcüma Tupanaxacü ixĩxũ.

“Nacüma^wa tá nüxũ pecuax nax aixcüma Tupanaarü duũxũgü ixĩgüxũ.” Matéu 7:20

“Rü jíxema Tupanaãxê tümawa ngexmáxê, rü tangechaxũwae, rü tataãê, rü tama aigu tarüxĩnü, rü jaxna tümamücümaax taxĩnü, rü tangũxêẽwae, rü tamedcüma, rü Tupanaãxũ tajaxõ, rü tama tũgü ticuaxũxũ, rü tũgümaa mea itacuax.”

Gáratanaanecüãx 5:22, 23

**Jíxema aixcüma Tupanaxacü ixĩxê rü togueãxũ nüxũ
tangechaũ i tümäärü chixexũ i tümamaxã taxũxũ.**

“Rü ngexguma pema nüxũ nüxũ iperüngümagu i ngema duũxũgü i chixexũ pemaa ügüxũ, rü Penatü ja dauxũgücü rü tá ta pexũ nüxũ inarüngüma i perü pecádugü.” Matéu 6:14

“Nai i ngemaa tamaxü, rü tupananchicünagüxü tic-
uaxüxü, rü taxüxpewae, rü taxaixwae, rü tanuxwae, rü tachox-
ügawae, rü taxäüächiwae rü tamáetaewae, rü tangäxwae, rü
peta taxügüecha.” Gáratanecüax 5:19-21

“Rü jatügü i naxrüü jatüxümaa ngeäëxü, rü ngítaaxgüxü,
rü ngema duüxügü i nügünaxica nanuxächixü i norü nge-
maxügü.” 1 Corítiucüax 6:9-10

**¡Ngechuchuna cugü naxã na cuxü namexëëxücax, rü
Naãë i Üünexümaxã cuxü napaxëëxücax!**

“Rü aixcüma napewa pime jerü Naãë i Üünexü rü tórü
Cori ja Ngechuchuégagu marü perü pecáduna pexü ínan-
güxüxëë.” 1 Corítiucüax 6:11



(;Nüxũ nadaumatü i
Lúca 16:19-26!)

;Rü mea Ngechuchuãxũ
jaxõ, rü Nüma rü Max-
ũarü Poperagu tá nanax-
ümatü i cuéga!

“Rü guxema ingeégaxe
ga Tupanaarü Popera i Max-
üpanewa rü naxtaa ga üxü-
maa ijaurachiünewa tawo-
ũ.” Apocaríchiu 20:15

Ngechuchugaguxicatama tá nixĩ i i Tupanaxũtawa ingugũ.

43

“Chamatama marũ pexna chanaxã i maxũ i taguma gúxũ. Rũ nhaa maxũ rũ Chaunegagu pexũ nangexma.” 1 Juãũ 5:11

“Rũ ngema natanũ na pecádu ixũxũ, rũ ju nixĩ. Notürũ jixema Ngechuchuãxũ jaxõgũxe, rũ Tupana tũxna nanaxãmare i maxũ i taguma gúxũ.” Rómacũãx 6:23

“Rũ jixema Tupana Naneãxũ jaxõxẽ rũ tũxũ nangexma i maxũ i taguma gúxũ. Natürũ jixema tama nüxũ jaxõxchaũxẽ ja Tupana Nane, rũ taũtãma tũxũ nangexma i ngema maxũ i taguma gúxũ.” Juãũ 3:36

Ngechuchu rũ nhanagürũ: “Chama nixĩ i ngema nama i Chaunatũxũtawa nadaxũ chixĩxũ. Rũ aixcũma nixĩ i ngema ore i nüxũ chixuxũ. Rũ chama nixĩ i duũxũgũxũ chamaxẽxẽxũ. Rũ chaugaguxicatama nixĩ i Chaunatũxũtawa nangugũxũ i duũxũgũ.” Juãũ 14:6

Dauxũguxũ i naane rü aixcũma nangexma.



Rü jexguma Juãũ ngoxetũgu rü nüma nüxũ nadau ga wüxi ga dauxũguxũ i naane, rü wüxi ga nhama i naane i ngexwaçaxũxũ.

“Rü nüma tá ínanapi i naxgũũetü. Rü taũtáma texé taju, rü texé tangechaũ, rü texé ngechaũgaãcü taxaxu, rü texé ngúxũ tingegü. Erü guxũma i ngema ngúxũ rü marü inajarũxo, rü ðüçax! choma rü chanangexwaçaxũxẽẽ i guxũma i ðacü ingexmaxũ.” Apocaríchiu 21:4, 5

Juãũ rü nüxũ nadau ta ga wüxi ga íane ga üünene. Rü jimá nixĩ ja Jerucharéũ ja ngexwaçaxũne, rü Tupanaxũtawa ne naxũ. “Rü nümatama ga guma íane rü uirunaxçax nixĩ. Rü nhama woruarũxũ nijauracüü. Rü guma nutagü ga itacü ga norü poxeguxũpara ixĩgücü, rü nagúxũraũcü ga nuta ga imexẽchicũmaa nangaxãẽ.”

Apocaríchiu 21:18, 19

Ngechuchu rü dauxüwa naxü na namexëëãx- 45
ücax ja tümachiü ja jixema nüxü jaxögüxe.

“;Tãü j penaxixãchiãëgüxü i pemax! ;Tupanaãxü pejaxögü rü choxü rü ta pejaxögü! Chaunatüxütawa nangexma i mux-
üchima i nachicagü. Rü ngexguma marü ngéma chaxüxgu rü wüxi i pechica chamexëëxgu, rü wena táxarü núma chaxü. Rü pexü tá chajagagü na ngema nachica i chamatá-
tama nawa changexmaxüwa na pengexmagüxücax.”

Juãü 14:1-3

;Rü togümaa nüxü ixu i nhaa mexü
i ore i ngexwaçaxüxü!

Ngechuchu rü nhanagürü: “;Guxü i naanewa pexi rü guxü i
duüxügümaax nüxü pejarüxu i ore i mexü!” Márcu 16:15

Tupana rü naxacügümaa inaxuneta:

“Tagutáma cuxna chixũ, rü tagutáma cuxũ íchatax.”

Ebréugü 13:5

“Rü númerü tá norü duũxügü i dauxücüãxũ namu na cuxna nadaugüxücax i ngextá ícuxũxüwa.”

Wijaegü (Salmos) 91:11

“Guxügutáma pexütawa changexmaecha nhuxmatáta nagú i naane.”

Matéu 28:20

“¡Rü tãũ i cumuũxũ naxcax i ngema ngúxũ i tá quingexũ! Rü chanaxwae i choxũ cujaxõõma nhuxmatáta cuxux. Rü chama rü tá cuxna chanaxã i curü ãmare i maxũ i taguma gúxũ.”

Apocaríchiu 2:10

“¡Choxna naca rü chama rü tá cuxũ changãxũ!”

Jeremía 33:3



Guxũma i juexũ rü tá ínaruđagũ.


“Tá ínangu i ngema ngunexũ i nagu guxũma i duũxũgũ i juexũ rü tá nüxũ naxĩnũe i chauga. Rü naxmaũgũwa tá ínachoxũ. Rü ngema mea maxẽxũ, rü tá ínaruđagũ na najauxgũãxũcax i maxũ i taguma gũxũ. Notürũ ngema chixexũ ügũxũ, rü tá ínaruđagũ na napoxcuexũcax.”

Juãũ 5:28, 29

Jixema Cristugu juexe rü tüxĩra tá ítarũdagũ. “Rü ngema wena i jixema na imaxẽxũ rü Tupana tá wũxigu caixanexũgu tüxũ nigagũ namax i ngema duũxũgũ i juewa írũdagũxũ. Rü ngemaãcü tá dauũgu Ngechuchuxũ tajangaugũ na guxũgutãma naxũtawa ingexmagũxũcax.”

1 Techarónicacũãx 4:17

“¡Ipedaue rü pexuãẽgũ! Erũ tama nüxũ pecuax i řacürũ ora tá íchangu i chamax!” **Mãrcu 13:33**



¿Nhuxácü tá núma naxū ja Ngechuchu?



“Rü dücax, marü ningaica na caixanexūgu ína-
nguxū ja Cristu! Rü guxütáma i duūxūgü nüxū
nadau.” Apocaríchiu 1:7

¿Rü pexūãégü naxcax i ngema Cristugüneta
ixīgüxū, rü orearü uruūgüneta ixīgüxū!

“Rü ngexguma texé pexū nhagüxgu: —¿Dücax!
daa nixī ja Cristu —nhagüxgu, rüexna: —gua
nixī ja Cristu —nhagüxgu, rü tama name i nüxū peyaxōgü.”

Matéu 24:23, 26

Ngürüächimare tá caixanexūgu núma naxū ja Ngechuchu.

“Erü nhama wüxi i bajxbexane i guxūwama nangóonexēxū-
rüü tá nixī i ngexguma wenaxarü núma chaxūxgu i chamax i
Tupana Nane na duūxūxū chixīxū. Rü guxū i nachiuānecüāx rü
tá nüxū nadaugü na nhuxácü daxūwa ne chaxūxū. Rü ãēxgacü
ja poraxüchicü rü mexēchicü tá chixī.” Matéu 24:27, 30

Tórü Daruũchiga

Wijaegü (Salmos) 23

¹Rü nüma ja Cori ja Tupana rü chorü daruũ nixĩ rü taxux-
ũma choxũ nataxu. ²Rü mexũ i nachicagu choxũ narüngũxẽẽ, rü
mechiũxũ i natüwa choxũ naga. ³Rü ngexguma chaturaxgu rü
choxũ naporaxẽẽama, rü mexũ i namawa choxũ naga na ngemaãcü
natachigaxũcax i naéga. ⁴Rü woo tacürü ãücũmaxũ i taxũwa
chaxüpetügu, rü taxucaxma chamuũ erü cuma Pa Cori Pa
Tupanax, rü chauxütawa cunxexma. Rü jima curü naix-
menamaa rü jima curü caxũxũruxũ rü jima nixĩ ja nüxna cha-
rüjoene. ⁵Rü mexũ i õna chauxcax cumexẽẽ napewa i chorü
uwanügü, rü pumáramaa choxũ cubaeru. Ru ngema chorü axex-
ũpáxũ rü ínanagoxochi erü cunaxũãcuxüchi. ⁶Ngema ñoma i
naanewa na chamaxũxũgu, Pa Tupanax, rü guxũguma choxũ
cungechaũ ru guxũguma chomaa cümecüma. Rü guxũgutáma,
Pa Corix, ru cuxütawa changexmaecha.

Los textos del Nuevo Testamento Ticuna TUPANAARŪ ORE, usados con permiso de La Liga Bíblica, 16801 Van Dam Road, South Holland, IL 60473 E.U.A.

If you are interested in receiving additional Scripture booklets, write to the publisher in English.

World Missionary Press, Inc.
P.O. Box 120
New Paris, Indiana 46553-0120 U.S.A.

Gratis – No debe venderse

2258 Ticuna (Brazil) 3-01

